



Vaksdal kommune

Sekretariat for kontrollutvalet

Vår referanse 2021/7-2
Dato 09.02.2021

Vaksdal kommune

Partsbrev - Reglement for kontrollutvalet i Vaksdal kommune

Vedlagt vedtak og saksframlegg etter behandling av sak PS 2/21 i kontrollutvalet 03.02.2021.

Kontrollutvalet ber om at saka vert lagt fram for kommunestyret 23.03.2021.

Med helsing

Hogne Haktorson
kontrollsjef

Einar Kåre Ulla
seniorrådgjevar

Brevet er elektronisk godkjent og har difor inga handskriven underskrift

Vedlegg

1 Reglement for kontrollutvalet i Vaksdal kommune

Kopi til:
Leiar i kontrollutvalet
Ordførar



Vaksdal kommune

Sekretariat for kontrollutvalet
Saksframlegg

Saksnr: 2021/7-1
Saksbehandlar: Einar Kåre Ulla

Reglement for kontrollutvalet i Vaksdal kommune

Forslag til innstilling

1. Framlagd reglement for kontrollutvalet i Vaksdal kommune vert godkjent med eventuelle endringar som kom fram i møtet
2. Reglement for kontrollutvalet vert innarbeidd i det politiske reglementet til Vaksdal kommune

Saksprotokoll 03.02.2021 - Kontrollutvalet i Vaksdal kommune

Handsaming i møte

Det kom ikkje fram forslag til endring eller tillegg til reglementet i møtet, og reglementet vart dermed godkjent som det var framlagd. Reglementet vert sendt til kommunestyret for endeleg godkjenning før det vert innarbeidd i det politiske reglementet for kommunen.

Forslag til vedtak vart samrøystes vedteke.

Innstilling

1. Framlagd reglement for kontrollutvalet i Vaksdal kommune vert godkjent
2. Reglement for kontrollutvalet vert innarbeidd i det politiske reglementet til Vaksdal kommune

Samandrag

Folkevalde organ skal etter kommunelova ha eigne reglement. Kontrollutvalet i Vaksdal kommune får i denne saka framlagd forslag til reglement for kontrollutvalet i kommunen.

Hogne Haktorson
Kontrollsjef

Einar Kåre Ulla
seniorrådgjevar

Saksframlegget er godkjent elektronisk og har difor inga handskriven underskrift

Vedlegg

- 1 Reglement for kontrollutvalet i Vaksdal kommune

Saksutgreiing

Bakgrunn for saka

Bakgrunnen for denne saka er det faktum at det i den nye kommunelova er krav om at alle politiske utval skal ha eigne reglement. Dette står i kommunelova § 5-13 slik.

Folkevalgte organer skal ha et reglement som fastsetter

- a) organets virkeområde og eventuelle vedtaksmyndighet*
- b) tidsperioden som organet er opprettet for*
- c) eventuelle andre sentrale bestemmelser om organets virksomhet.*

Vedtakskompetanse

Det er kommunestyret som har vedtaksmynde i sak om godkjenning av reglement

Vurderingar og verknader

Kommunelova stiller krav om at folkevalde organ skal ha eit reglement. Kontrollutvalet i Vaksdal kommune har ikkje eit reglement i dag, men utvalet er nemnt i delegasjonsreglementet som er til behandling i formannskapet 26.01.21, der det står:

Kontrollutvalet har 5 medlemmer valt av kommunestyret i det konstituerande møte for heile valperioden og elles i samsvar med reglane i Kommunelova § 23-1, minst 1 medlem er vald av kommunestyret sine medlemmar.

Oppgåver og mynde

Kontrollutvalet skal føra tilsyn og kontroll med den kommunale forvaltninga på vegne av kommunestyret og sjå til at kommunen har ein forsvarleg revisjon. Reglar for kontrollutvalet sitt arbeid, oppgåver, og mynde er fastsett i Kommunelova kapittel 23. Vidare er "Forskrift om kontrollutvalg i kommuner og fylkeskommuner" er ein viktig basis for kontrollutvalet si verksemd.

Kontrollutvalet er eit særskilt kontrollorgan og ikkje eit ordinært politisk organ som kan gjere vedtak om forvaltninga si drift. Kontrollutvalet skal i følgje forskrifta ikkje overprøva politiske prioriteringar som er gjort av kommunen sine folkevalte organ. Det er heller ikkje eit klageorgan. Både ordførar og oppdragsansvarleg revisor har møte og talerett i kontrollutvalet.

Saksførebuing

Kontrollutvalet har eit uavhengig sekretariat som ikkje er knytt til kommunen eller til revisjonen. Sistnemnde er dei som utfører revisjon/kontroll etter bestilling frå utvalet. Kontrollutvalet sine møte vert haldne for opne dører dersom ikkje utvalet vedtek noko anna, jf. kommunelova §11-5.

Innkallingar og protokollar vert gjort offentlege på kommunen si heimeside.

Det er i all hovudsak rette opplysningar i dette reglementet. Det er vist til ny lov men førre forskrift. Dessutan manglar ein del for å vere eit fullverdig reglement. Sekretariatet har utarbeidd eit forslag til reglement som kontrollutvalet kan godkjenne slik det er framlagd, eventuelt med dei endringar utvalet ynskjer å ha med. Reglementet vert så sendt til kommunestyret for endeleg godkjenning, for så eventuelt å bli innarbeidd i eit komplett politisk reglement for kommunen.

Konklusjon

Det vert tilrådd at vedlagt utkast til reglement for kontrollutvalet, vert godkjent og oversendt rådmannen for innarbeiding i det politiske reglementet.